

RIU a notifica Gobierno di a cumpra Westin Hotel

ORANJESTAD -- Ayera, Gobierno a wordo notifica dor di RIU cu nan a yega na un acuerdo cu Wells Fargo pa compra di e propiedad cu awor ta maneha dor di Westin.

Na 2006 Belfonti Capital Partners a cumpra e propiedad y na 2009 a pasa e accionnan y banconan a bira doño. Despues di esaki Wachovia Bank a tuma e propiedad over y na momento cu Wells Fargo a cumpra

Wachovia, Wells Fargo a bira doño di e hotel.

Desde e tempo ey, e intencionan pa bende e hotel a cuminsa y na 2012, despues di a haci un "bidding", RIU a wordo tuma como e candidato pa negocia.

Un "Letter of Intent" a wordo firma entre e dos partidonan na juli 2013 cu un stipulacion di 3 luna pa haci "due diligence". RIU na principio no a bay di acuerdo cu e condicionnan di



compra stipula y a propone otro condicionnan cual awor

Wells Fargo a acepta. Gobierno a informa RIU

di e cambionan den leyman laboral cu a tuma luga e aña aki y e hecho cu RIU mester tuma over e empleadonan di Westin Hotel incluyendo tur nan derechonan acumula. Minister di Turismo tam

be a wordo informa, cu una bes e proceso di compra (mas o menos 2 luna) wordo finalisa, RIU lo cuminsa prepara pa un renobacion di 30 pa 40 miyon Dollar pa mehoracion di e hotel na un standard mas halto.

RIU tambe a yega na cierto acuerdonan cu Starwood, e compania di maneho bou di cual e hotel ta opera na e momentonan aki. □